

唐
音
統
籤

戊籤四温庭筠之五

唐音統籤卷

五百七十九

五言排律

春日

問君何所思
迢遞豔陽時
門靜人歸晚
墻高蝶過遲
一雙青瑣燕
千萬綠楊絲
屏上吳山遠
樓中朔管悲
寶書無寄處
香轂有來期
草色將林彩
相添入黛睂

春初對暮雨

浙澀生叢篠
空濛泫網軒
暝姿看遠樹
春意入陳根
點細飄風急
聲輕入夜繁
雀喧爭槿
人靜出

疏園瓦濕光先起
房深影易昏
不應江上草相與
滯王孫

詠寒宵

寒宵何耿耿
良讌有餘姿
寶靸徘徊處
薰鑪悵望時
曲瓊垂翡翠
斜月到呆愚
委墜金缸燼
闌珊玉局碁
話窮猶注睇
歌罷尚持頤
晝暖遙相屬
氛氳積所思
秦娥卷衣晚
胡鴈度雲遲
上郡歸來夢
那知錦字詩

雪

硯冰池先凍
牕風酒易消
鴉聲出山郭
人跡過村

橋稍急方繁轉才深未寂寥細光穿暗隙輕白駐
寒條草靜封還折松欹墮復搖謝莊今病眼無意
坐通管

洞戶二十二韻

洞戶連珠網方疏隱碧潯燭盤煙陸燼簾壓月通
陰粉白仙郎署霜清玉女砧醉鄉高窈窕碁陣靜
悄悄素手瑠璃扇玄髻玳瑁簪昔邪看寄迹梔子
咏同心樹列千秋勝樓懸七夕鍼舊詞翻白苧新
賦換黃金唳鶴調蠻鼓驚蟬應寶琴舞疑繁易度
歌轉斷難尋露委花相妬風欹柳不禁橋彎雙表

迴池漲一篙深清蹕傳恢囿黃旗幸上林神鷹參

翰苑天馬破蹄涔武庫方題品文園自

一作有

好音

朱莖殊菌蠢丹桂欲蕭森黼帳迴瑤席華燈對錦

衾畫圖驚畏

一作走

獸書帖得來禽河曙秦樓映山

晴魏闕臨綠囊逢趙后青瑣見王沉任達嫌孤憤

疎慵倦九箴若爲南遁客猶作臥龍吟

題翠微寺

太宗昇
遊之所

邠土初成邑虞賓竟讓王乾符初得位天弩夜收

鐸偃息齊三代優游念四方萬靈扶正寢千嶂抱

重岡幽石歸階陛喬柯入棟梁火雲如沃雪湯殿

似含霜澗籟添仙曲巖花借御香野麋陪獸舞林
鳥逐鷓行鏡寫三秦色窗搖八水光問雲徵楚女
疑粉試何郎蘭芷承雕輦杉蘿入畫堂受朝松露
曉頰朔桂烟涼嵐濕金鋪外溪鳴錦幄傍倚絲憂
漢祖持璧告秦皇短景催風馭長星屬羽觴儲君
猶問豎元老已登牀鶴蓋趨平樂雞人下建章龍
髯悲滿眼噙首淚沾裳疊鼓嚴靈仗吹笙送夕陽
斷泉辭劔佩昏日伴旗常遺廟青蓮在頽垣碧草
芳無因奏韶濩流涕對幽篁

過華清宮二十二韻

憶昔開元日承平事勝遊貴妃專寵幸天子富春

秋月白霓裳殿風乾羯鼓樓闌雞花蔽膝騎馬玉

搔頭繡轂千門妓金鞍萬戶侯薄雲歛

一作歛

雀扇

輕雪犯貂裘過客聞韶濩居人識冕旒氣和春不

覺煙暖簪難收澁

一作細

浪涵瑤甃晴陽上綵斿卷

衣輕鬢

一作髻

嬾窺鏡淡蛾羞屏掩芙蓉帳簾褰玳

瑁鈎重瞳分渭曲纖手指神州御案迷萱草天袍

妬石榴深崑藏浴鳳鮮隰媠潛虬不料邯鄲蝨俄

成卽墨牛劍鋒揮太皞旗焰拂蚩尤內嬖陪行在

孤臣預坐籌瑤簪遺翡翠霜仗駐驂踟躕天雙飛

斷香魂一哭休蚤梅悲蜀道高樹隔昭丘朱閣重
霄近蒼崖萬古愁至今湯殿水嗚咽縣前流

過北海墓二十韻

撫事如神遇臨風獨涕零墓平春草綠碑折古苔
青珪玉埋英氣山河孕炳靈發言驚辨圍揮翰動
文星蘊策期于世持權欲反經激揚思壯氣

一作志

流落歎頽齡惡木人皆息貪泉我獨醒輪轅無匠
石刀几有庖丁磔磔迷藏器規規守挈瓶憤容陵
閔鑊公議動朝廷故國將辭寵危邦竟緩刑鈍工
磨白壁凡石礪青萍揭日照東夏搏風滯北溟後

塵遵軌轍前席詠儀刑木秀當憂悴絃傷不底寧
矜誇遭尺鷁光彩困飛螢白羽留談柄清風襲德
馨鸞凰嬰雪刃狼虎犯雲屏蘭蕙荒遺址榛蕪蔽
舊祠羨君雖不祿猶得到明庭

溫原稿作轍轍近
沂水何事戀明庭

後改稿如
此皆未妥

和周繇廣陽公宴朝段成式詩

繇詩題廣陽
公宴成式述

罷馳騁坐觀花葩或有眼飽
之嘲詩及段荅詩並六韻

齊馬馳千駟盧姬逞十三玳筵方盼眄金勒自趨
趨墮珥情初洽鳴鞭戰未酣神交花萼萼眉語柳

毵毵

柳吳興云窗
疎眉度語

却略青鸞鏡翹翻翠鳳簪專城

有佳對寧肯顧春蠶

感舊陳情五十韻獻淮南李僕射

嵇紹垂髫日山濤筮仕年琴罇陳席上紈綺拜牀
前鄰里纔三徙雲霄已九遷感深情懼况言發淚
潺湲憶昔龍圖盛方今鶴羽全桂枝香可襲楊葉
射頻穿玉籍標人瑞金丹化地仙賦成攢筆寫歌
出滿城傳旣矯排虛翹將持造物權萬靈思鼓鑄
羣品待陶甄視草絲綸出持綱雨露懸法行黃道
內居近翠華邊書迹臨湯鼎吟聲接舜絃白麻紅
燭夜清漏紫薇天雷電隨神筆魚龍落彩牋閑宵

陪雍時清暑在甘泉耿介非持祿優游足養賢冰
清臨百粵風靡化三川委寄崇推轂威儀壓控弦
梁園提轂騎淮水換戎旃照日清油濕迎風錦帳
鮮黛蛾陳二八珠履列三千舞轉迴紅袖歌愁斂
翠鈿滿堂開照曜分座儼嬋娟油額芙蓉帳香塵
玳瑁筵繡旗隨月影金陣似波旋緹幕深迴互朱
門暗接連彩虬蟠畫戟花馬立金鞭有客將誰託
無媒竊自憐抑揚中散曲漂泊孝廉船未展干時
策徒拋負郭田轉蓬猶邈爾懷橘更潯然投足乖
蹊逕冥心向簡編未知魚躍地空媿鹿鳴篇

余嘗
系京

北名居其副

稷下期方至漳濱病未痊

二年抱疾不赴鄉薦試有司

定非籠外鳥真是穀中蟬
蕙逕鄰幽澹荆扉興靜
便草堂苔點點蔬園水
濺濺釣罷溪雲重樵歸澗
月圓懶多成宿疾愁甚似
春眠木直終難怨膏明
只自煎鄭鄉空健羨陳榻未
招延旅食逢春盡羈
遊爲事牽宦無毛義檄婚乏
阮修錢母弱營中柳
披敷幕下道憶能容委質非
敢望差肩澀劔猶堪
淬餘朱或可研從師當鼓篋
窮理久忘筌折簡能
榮瘁遺簪莫棄捐韶光如見
借寒谷變風烟

開成五年秋以抱疾郊野不得與鄉計偕至

王府將議退適隆冬自傷因書懷奉寄殿院
徐侍御察院陳李二侍御回中蘇端公鄆縣
韋少府兼呈袁郊苗紳李逸友人一百韻

逸足皆先路窮郊獨向隅頑童逃廣柳羸馬臥平
蕪黃卷嗟誰問朱絃偶自娛鹿鳴皆綴士雌伏竟

非夫采地荒遺野爰田失故都

庭筠先祖國朝公
相晉陽佐命食采

并汾

亡羊猶博塞牧馬倦呼盧奕世參周祿承家

學魯儒功庸留劒舄銘戒在盤盂經濟懷良畫行
藏識遠圖木能鳴楚玉空欲握隋珠定爲魚緣木
曾因兔守株五車堆縹帙三徑闔繩樞適與羣英

集將期善價沽葉龍圖天矯燕鼠笑胡盧賦分知

前定寒心畏厚誣躡塵追慶忌操劍學班輸文囿

陪多士神州誠大巫對雖希鼓瑟名亦濫吹竽

余去

秋試京兆薦
名居其副

正使猜奔競何嘗計有無錙悞虛訪

覓玉霸竟抑揄市義虛焚券關譏謾棄繻至言今

信矣微尚亦悲夫白雪調歌響清風樂舞雩脅肩

難黽勉搔首易嗟吁角勝非能者推賢見射乎兕

觥增恐竦杯水失錙銖粉黛妝丹彩金簡隱僕姑

垂橐羞盡爵揚鱗辱彎弧虎拙休言畫龍希莫學

屠轉蓬隨歎段耘草闢墁墟受業鄉名鄭藏機谷

號愚質文精等貫琴篔韻相須築室連中野誅茅
接上腴葦花綸虎落松癭鬪藥櫃靜語鶯相對閒
眠鶴浪俱縈多勞蝶翅香酷墜蜂鬚芳草迷三島
澄波似五湖躍魚翻藻荇愁鷺睡葭蘆暝渚藏鷗
鷺幽屏臥鷗鴟苦辛隨藝殖甘旨仰樵蘇笑語空
懷橘窮愁亦據梧尚能甘半菽非敢薄生芻釣石
封蒼蘚芳蹊艷絳附樹蘭畦繚繞穿竹路紫紵機
杼非桑女林園異木奴橫竿窺赤鯉持翳望青鷗
泮水思芹味瑯琊得稻租杖輕藜擁腫衣破芟披
敷芳意憂鷓鴣愁聲覺蟋蟀短簷喧語燕高木墮

饑烏事迫離幽墅貧牽犯畏途愛憎防杜擘悲歎
似楊朱旅食常過衛鞮遊欲渡瀘塞歌傷督護邊
角思單于堡戍標槍架關河鏢舳艫威容尊大樹
刑法避秋荼遠目窮于甲歸心寄九衢寢甘誠繫
滯漿饋貴睢盱懷刺名先遠于時道自孤齒牙頰
激發箠笞尚崎嶇蓮府侯門貴霜臺帝命俞驥蹄
初躡景騰翅欲搏扶寓直迴聽馬分督對暝烏百
神歆彷彿孤竹韻合胡鳳關分班立鏡行竦劍趨
觸邪承密勿持法奉訐謨鳴玉鑾登降衝牙響曳
裾祀親和氏璧香近博山鑪瑞景森瓊樹輕水瑩

玉壺象冠簪鐵柱螭首對金鋪內史書千帙將軍
畫一廚眼明鸞氣象心死伏規模豈意觀文物何
勞琢砭砭草肥牧驥衰苔澀淬昆吾鄉思巢枝鳥
年華過隙駒銜恩空抱影酬德未捐軀時輩推良
友家聲繼令圖致身傷短翮驪首顧疲驚班馬方
齊驚陳雷亦並驅昔皆言爾志今亦畏吾徒有氣
干牛斗無人辯轆轤客來掛綠蟻妻試踏青蚨積
駁方銷骨微瑕懼掩瑜蛇才猶轉戰魚服自囚拘
欲就欺人事何能追鬼誅是非迷覺夢行役議秦
吳凜冽風埃慘蕭條草木枯低徊傷志氣蒙犯變

肌膚旅鴈唯聞叫，饑鷹不待呼。夢梭拋促織，心緒學蜘蛛。寧復機難料，庸非信未孚。激揚銜箭虎，疑懼聽冰狐。處已將營窟，論心若合符。浪言輝棟莩，何意託葭苕。喬木能求友，危巢莫嚇雛。風華飄領袖，詩禮拜衾襦。欵摠情何苦，同舟道豈殊。旅懷親蕙芷，收迹異桑榆。贈遠聊扳柳，裁書欲截蒲。瞻風無限淚，迴首更踟蹰。

寄渚宮遺民弘里生

柳弱湖堤曲，籬疎水巷深。酒闌初促席，歌罷欲分襟。波月欺華燭，江雲潤故琴。鏡清花並蒂，牀冷篔簹

連心荷疊平橋閣萍稀敗舫沉城頭五更鼓窗外
萬家砧異縣魚投浪當年烏共林八行書未減千
里夢難尋未肯睽良顧空期嗣好音他時詠懷作
猶得並南金

原隰萋綠柳

迥野韶光早晴川柳滿堤拂塵生嫩綠披雪兒柔
萋碧玉芽猶短黃金縷未齊腰支弄寒吹睂意入
春闈預恐狂夫折迎牽逸客迷新鷺將出谷應借
一枝棲

六言律詩

送李憶東歸

黃山遠隔秦樹紫禁斜通渭城別路青青柳弱前
溪漠漠苔生和風澹蕩歸客落月殷勤早鶯灞上
金尊未飲讌歌已有餘聲

戊籤四溫庭筠之六

唐音統籤卷

五百八十

七言律詩一

春日偶作

西園一曲艷陽歌，擾擾車塵負薜蘿。
自欲放懷猶未得，不知經世竟如何。
夜聞猛雨判花盡，寒戀重裘覺夢多。
釣渚別來應更好，春風還爲起微波。

寒食日作

紅深綠暗徑相交，抱暖含春披紫袍。
綵索平時墻媿婉，輕毬落處花寥梢。
牕中草色妬鷄卵，盤上芹泥憎燕巢。
自有玉樓春意在，不能騎馬度煙郊。

寒食前有懷

萬物鮮華雨乍晴春寒寂

一作賦

歷近清明殘芳華

在雙飛蝶晚睡朦朧百轉鴛鴦舊侶不歸成獨酌故
園雖在有誰耕悠然更起嚴灘恨一宿東風蕙草
生

池塘七夕

月出西南露氣秋綺寮河漢在鍼樓楊家繡作鴛
鴦帳張氏金爲翡翠鈎銀燭有光妨宿燕盡屏無
睡待牽牛萬家砧杵三篙水一夕橫塘是舊遊

七夕

鵲歸鸞去兩悠悠青瑣西南月似鈞天上歲時星
右轉世間離別恨一作水東流金風入樹千門夜銀
漢橫空萬象秋蘇小回塘通桂楫未應清淺隔牽
牛

春日野行

日西塘水金堤斜碧草芊芊晴吐芽野岸明媚山
芍藥水田叫噪官蝦蟆鏡中有浪動菱蔓陌上無
風飄柳花何事輕撓句溪客綠萍方好不歸家

溪上行

綠塘漾漾煙濛濛張翰此來情不窮雪羽襍褻立

片言系重
倒影金鱗潑刺跳晴空風翻荷葉一向白雨濕蓼
花千穗紅心羨夕陽波上客片時歸夢釣船中

經西塢偶題

搖搖弱柳黃鸝啼芳草無情人自迷日影明滅金
色鯉杏花啞喋青頭鷄微紅柰蒂惹蜂粉潔白芹
芽入一作鶯泥借問含嚙向何事昔年曾到武陵
溪

郊居秋日有懷一二知己

稻田鳧鴈滿晴沙釣渚歸來一逕斜門帶果林招
邑吏并分蔬圃屬隣家阜原寂歷垂禾穗桑竹參

差映豆花自笑謾懷經濟策不將心事許烟霞

送客偶作

石路荒涼接野蒿西風吹馬利如刀小橋連驛楊
柳晚廢寺入門禾黍高雞犬夕陽喧縣市鳧鷖秋
水曝城濠故山有夢不歸去官樹陌塵何太勞

偶遊

曲巷斜臨一水閒小門終日不開關紅珠斗帳櫻
桃熟金尾屏風孔雀閒雲髻幾迷芳草蝶額黃無
限夕陽山與君便是鴛鴦侶休向人間覓往還

偶題

眉音韻
微風和暖日鮮明草色迷人向渭城吳客捲簾閒
不語楚娥攀樹獨含情紅垂果蒂櫻桃重黃染花
叢蝶粉輕自恨青樓無近信不將心事許卿卿

博山

博山香重欲成雲錦段機絲妬鄂君粉蝶團飛花
轉影彩鴛雙泳水生紋青樓二月春將半碧瓦千
家日未曛見說楊朱無限淚豈能空爲路岐分

曉別

翠羽花冠碧樹雞未明先上

一作向

短牆啼牕前

一作

問謝女青娥歛門外蕭郎白馬嘶星漢漸移庭竹

影露珠猶綴
野花迷景陽
宮裏鐘初動
不語垂鞭
上柳堤

南湖

湖上微風入
檻涼翻翻菱
荇滿迴塘
野船着岸
偃春草水鳥
帶波飛夕陽
蘆葉有聲
疑霧雨浪花
無際似瀟湘
飄然蓬艇東
遊客盡日相
看憶楚鄉

過潼關

地形盤屈帶
河流景氣澄
明是勝遊
十里曉雞關
樹暗一行征
鴈隴雲愁
片時無事
溪泉好盡
日凝眸岳色
秋塵尾角
巾應曠望
更嗟芳靄
隔秦樓

回中作

蒼莽寒空遠色愁鳴戍角上高樓吳姬怨思吹
雙管燕客悲歌動別一作五侯千里關山邊草暮一
星烽火朔雲秋夜來霜重西風起隴水無聲凍一作
不流

利州南渡

澹然空水帶斜暉曲島蒼茫接翠微坡上馬嘶看
棹去柳邊人歇待船歸數叢沙草羣鷗散萬頃江
田一鷺飛誰解乘舟尋范蠡五湖煙水獨忘機

陪河中節度使遊河亭

倚欄愁立獨徘徊欲賦慙非宋玉才滿座山光搖
劍戟遶城波色動樓臺鳥飛天外斜陽盡人過橋
心一作倒影來添得五湖多少恨柳花飄蕩似寒
梅

春日訪李十四處士

花深橋轉水潺潺角里先生自閉關看竹已知行
處好望雲空得暫時閒誰言有策堪經世自是無
錢可買山一局殘碁千點雨綠萍池上暮方還

題韋籌博士草堂

一作薛逢詩今詳詩
意似五代人詩誤入

玄晏先生已白頭不隨鷓鴣狎羣鷗元卿謝免開

三徑平仲朝歸臥一裘醉後獨知殷甲子病來猶
作晉春秋滄浪未濯塵纓在野水無情處處流

題李處士幽居

水玉簪頭白角巾

作戴角巾

瑤琴寂歷拂輕塵穢陰

似帳紅薇晚細雨如烟碧草春隔竹見籠疑有鶴
捲簾看盡更無人南山自有忘機友谷口空稱鄭
子真

偶題友人池亭

月榭風亭繞曲池粉墻迴互瓦參差侵簷片白搖
翻影落鏡愁紅寫倒枝鴻鵠刷毛花蕩漾鷺鷥拳

足雪離披山翁醉後如相憶羽扇清罇我自知

宿雲際寺

白蓋微雲一選深東風弟子遠相尋蒼苔路熟僧
歸寺紅葉聲乾鹿在林高閣清香生靜境夜堂疎
磬發禪心自從紫桂巖前別不見南能直至今

宿松門寺

白石青崖世界分卷簾孤坐對氤氳林間禪室春
深雪潭上龍堂夜半雲落月蒼涼登閣在曉鐘搖
蕩隔江聞西山舊是經行地願漱寒瓶逐領軍

題西明寺僧院

曾識匡山遠法師低松片石對前墀爲尋名盡來
過寺因訪閑人得看碁新鴈參差雲碧處寒鴉遼
亂一作參落葉紅時自知終有張華識不向滄洲理釣
絲

清涼寺

黃花紅樹謝芳蹊宮殿參差黛巘西詩閣曉窗藏
雪嶺畫堂秋水接藍溪松飄晚吹擬金鐸竹陰寒
苔上石梯妙迹竒名竟何在下方煙暝草萋萋

開聖寺

路分溪石夾煙叢十里蕭蕭古樹風出寺馬嘶秋

色裏向陵鴉亂夕陽中竹間泉落山厨靜塔下仁
歸影殿空猶有南朝舊碑在耻將興廢問休公

和趙嘏題岳寺

疎鐘細響亂鳴泉客省高臨水似天嵐翠暗來空
覺潤潤茶餘爽不成眠越僧寒立孤燈外岳月秋
當萬木前張邴宦情何太薄遠公窗外有池蓮

和友人題壁

冲尚由來出範圍肯將輕世

一作經濟又
作經世並誤

作風徽

三台位缺巖陵臥百戰功高范蠡歸剩欲一鳴驚

一作各
添誤

鶴寢不應孤憤學牛衣西州未有看碁暇

澗戶何因

一作由

得掩扉

和友人溪居別業

積潤初銷碧草新
鳳陽晴日帶雕輪
絲飄弱柳平橋晚
雪點寒梅小院春
屏上樓臺陳后主
鏡中金翠李夫人
花房透露紅珠落
蛺蝶雙雙護粉塵

投翰林蕭舍人

人間鴛鴦香難從
猶恨

一作獨恨

金屏直九重
萬象曉

歸仁壽鏡百花春
隔景陽鐘紫微
芒動詞初出
紅蠟香殘詔未封
每過朱門處
詞一枝何日許
從容

休澣日謁西掖所知因成長句

赤墀高閣自從容
玉女窗扉報曙鐘
日麗九華青瑣闥
雨晴雙闕翠微峯
毫端蕙露滋仙草
琴上薰風入禁松
荀令鳳池春婉婉
好將餘潤變魚龍

寄分司元庶子兼呈元處士

閉門高臥莫長嗟
水木凝暉屬謝家
緱嶺參差殘曉雪
洛波清淺露晴沙
錦公春盡蕪菁色
華廐愁深苜蓿花
月榭知君還悵望
碧霄烟濶鴈行斜

贈袁司錄

卽丞相淮陽公之猶子與庭筠有舊也

一朝辭滿有心期
花發楊園雪覆枝
劉尹故人諳

往事謝郎諸弟得新知金釵醉就胡姬盡玉管閑
留洛客吹記得襄陽耆舊語不堪風景峴山碑

贈李將軍

誰言荀羨愛功勳年少登壇衆所聞曾以能書稱
內史又因明易號將軍金溝故事春常在玉軸遺
圖火半焚不學龍驤盡山色醉鄉無迹似閑雲

贈蜀府將蠻入成都頗著功勞

十年分散劔關愁萬事皆隨錦水流志氣已曾明
漢節功名猶自滯吳鉤鵬邊認箭寒雲重馬上聽
笳塞草秋今日逢君倍惆悵灌嬰韓信盡封侯

訪知玄上人遇暴經因有贈

縹帙無塵滿畫廊
終山弟子靜焚香
惠能未肯傳心法
張湛徒勞與眼方
風颺檀煙銷篆印
日移松影過禪牀
客兒自有翻經處
江上秋來蕙草荒

題李羽處士寄新醞走筆戲酬

高譚有伴還成數
沉醉無期卽是鄉
已恨流鶯欺謝客
更將浮蟻與劉郎
簷前柳色分張綠
窗外花枝借助香
所恨玳筵紅燭夜
草玄寥落近廻塘

敬答李先生

七里灘聲舜廟前
杏花初盛草芊芊
綠昏晴氣春

風岸紅漾輕輪野水天不爲傷離成極望更因行
樂惜流年一瓢無事麤裘暖手美溪波坐釣船

山中與道友夜聞邊防不寧因示同志

龍砂鐵馬犯烟塵跡近羣鷗意倍親風卷蓬根屯
戊巳月移松影守庚申韜鈴豈足爲經濟巖壑何
嘗是隱淪心許故人知此意古來知者竟誰人

寄岳州李外郎遠

肱一作

含嚔不語坐檣願天近樓高宋玉悲湖上殘碁人
散後岳陽微雨鳥來遲早梅猶得回歌扇春水還
應理釣絲獨有袁宏正憔悴一罇惆悵落花時

秋日旅舍寄義山李侍御

一水悠悠隔澗城，澗城風物近柴荆。
寒蛩乍響催機杼，旅鴈初來憶弟兄。
自爲林泉牽曉夢，不關砧杵報秋聲。
子虛何處堪消渴，試向文園問長卿。

春日將欲東歸寄新及第苗紳先輩

一作下第寄司

馬札

幾年辛苦與君同，得喪悲歡盡是空。
猶喜故人先折桂，自憐羈客尚飄蓬。
三春月照千山路，一作十道
百花開一夜風。知有杏園無路入，
馬前惆悵滿枝紅。

春暮宴罷寄宋壽先輩

斜掩朱門花外鍾
曉鷺時節好相逢
窗間桃蘂宿粧在
雨後牡丹春睡濃
蘇小風姿迷下蔡
馬卿才調似臨邛
誰憐芳草連三徑
參佐橋西陸士龍

寄河南杜少府

一作尹

十載歸來鬢未彫
玳簪珠履見常僚
豈關名利分榮路
自有才華作慶霄
鳥影不飛經上苑
騎聲相續過中橋
夕陽亭下山如畫
應念田歌正寂寥

遊南塘寄王知白

白鳥梳翎立岸沙
藻花菱刺泛微波
煙光似帶侵

垂柳露滴如珠落點荷楚水晚涼催客早杜陵秋
思傍蟬多劉公不信歸心切聽取江樓一曲歌

晚坐寄友人

九枝燈在瑣窗空希逸無聊恨不同曉夢未離金
夾膝早寒先到石屏風遺簪可惜三秋白蠟燭猶
殘一寸紅應卷鰕簾看皓齒鏡中惆悵見梧桐

寄崔先生

往年江海別元卿家近山陽古郡城蓮浦香中離
席散柳堤風裏釣船橫星霜荏苒無音信烟水微
茫變姓名菰黍正肥魚正美五侯門下負平生

却歸商山寄同行友人

曾讀逍遙第一篇爾來何事不恬然便同南部能
忘象兼笑東林學坐禪人事轉新花爛熳驛一作
程依舊水潺湲若教猶作當時意應有垂絲在鬢
邊

寄盧生

遺業荒涼近故都門前堤路枕平湖綠楊陰裏千
家月紅藕香中萬點珠此地別來雙鬢改幾時歸
去片帆孤他年猶擬金貂換寄與黃公舊酒壚

西江寄友人騫生

一作賒
鈞叟

晴江一作天如鏡月如鉤泛漚蒼茫迷客愁夜淚潛
生竹枝曲春灘遙上木蘭舟事隨雲去身難到夢
逐煙銷水自流昨日歡娛竟何在一枝梅謝楚江
頭

寄清涼寺僧

石路無塵竹迳開昔年曾伴戴顓來窗間半偈聞
鐘後松下殘碁送客迴簷向玉峯藏一作龍夜雪砌
因藍水長秋苔白蓮社裏如相問爲說遊人是姓

雷

盤石寺留別成公

柳葉蕭蕭帶葦風
寺前歸客別支公
三秋岸雪花初白
一夜林霜葉盡紅
山疊楚天雲壓塞
浪搖吳苑水連空
悠然旅榜頻迴首
無復松窗半偈同

戊籤四溫庭筠之七

唐音統籤卷

五百八十一

七言律詩二

送襄州李中丞赴從事

漢庭文彩有相如
天子通宵愛子虛
把釣看碁高興盡
焚香起草宦情疎
楚山重疊當歸路
溪月分明到直廬
江雨蕭蕭帆一片
此行誰道爲鱸魚

送崔判官

一作赴幕

一別黔南

一作似斷

弦故交東去更潸然

一作心

遊目送三千里雨
散雲飛二十年發跡
豈勞天上桂屬詞還得
幕中蓮相思休話長安遠
江月隨人

處處圓

送陳嘏之侯官兼簡李常侍

縱得步兵無綠蟻
不緣勾漏有丹砂
殷勤爲問同袍友
我亦無心似海查
春服照塵連草色
夜船聞雨滴蘆花
梅仙自是青雲客
莫羨相如却到家

送盧處士遊吳越

羨君東去見殘梅
唯有王孫獨未迴
吳苑夕陽明古堞
越宮春草上高臺
波生野渚鴈初下
風滿驛樓潮欲來
試逐漁舟看雪浪
幾多江燕荇花開

西江上送漁父

却逐嚴光向若耶，釣綸菱棹寄年華。
三秋梅雨愁楓葉，一夜篷舟宿葦花。
不見水雲應有夢，偶隨烟島便成家。
白蘋風起樓船暮，江燕雙雙五兩斜。

老君廟

紫氣氤氳捧半巖，蓮峯仙掌共巉巖。
廟前晚色連寒水，天外斜陽帶遠帆。
百二關山扶玉座，五千文字闕瑤緘。
自憐金骨無人識，知有飛龜在石函。

過新豐

一劍乘時帝業成，沛公鄉里到咸京。
寰區已作皇居貴，風日猶含白社清。
泗水舊亭秋草徧，千門遺

瓦古苔生至今留得離家恨
雞犬相聞落照明

蘇武廟

蘇武魂銷漢史前
古祠高樹兩茫然
雲邊鴈斷胡天月
隴上羊歸塞草烟
回日樓臺非甲帳
去時冠劍是丁年
茂陵不見封侯印
空向秋波哭逝川

過五丈原

鐵馬雲騶久絕塵
柳陰高壓漢營春
天清殺氣屯關右
夜半妖星照渭濱
下國臥龍空竊主
中原得鹿不由人
象牀寶帳無言語
從此譙周是舊臣

過陳琳墓

曾於青史見遺文今日飄蓬過古墳詞客有靈應
識我羈才無主始憐君一作此石麟埋沒藏春
草銅雀荒涼對暮雲莫惟臨風倍惆悵欲將弓劍
學從軍

題望苑驛

東有馬嵬驛西有相思樹卽端正樹也

弱柳千條杏一枝半含春雨半垂絲景陽寒井人
難見長樂晨鐘鳥自知花影至今一作幾年通博望樹

名何代號相思分明一作至今十二樓前月不向西陵

照盛姬

周穆王姬也今本多作戚姬誤

過馬嵬驛

穆滿曾爲物外遊六龍經此暫淹留返魂無驗青
煙滅埋血空成碧草愁香輦却歸長樂殿曉鐘還
下景陽樓甘泉不復重相見誰道文成是故侯

馬嵬佛寺

荒鷄夜唱戰塵深五鼓雕輿過上林才信傾城是
真語直教塗地始甘心兩重秦苑成千里一炷胡
香抵萬金曼倩死來無絕藝後人誰肯惜青禽

奉天西佛寺

憶昔狂童犯順年玉虬閒暇出甘泉宗臣欲舞干
鈎劍追騎猶觀七寶鞭星背紫垣終掃地日歸黃

道却當天至今南頓諸耆舊猶指秦蕪作弄田

題裴晉公林亭

謝傅林亭暑氣微
山丘零落闕音徽
東山終爲蒼生起
南浦虛言白首歸
池鳳已傳春水浴
渚禽猶帶夕陽飛
悠然到此忘情處
一日何妨有萬幾

經故秘書崔監揚州南塘舊居

昔年曾識謝宣城

一作范安成

松竹風姿鶴性情
唯向

舊山留月色
偶逢秋澗似琴聲

一作西掖曙河橫
浦響非山秋月照

江聲

乘舟覓吏經
輿縣爲酒求官得
步兵玉柄寂寥

譚客散却尋池閣
淚縱橫

一作于頃水流通故
壑至今留得謝公名

題懷貞亭舊遊

一作崔公池亭

皎鏡方塘菡萏秋
此來重見採蓮舟
誰能不逐當年樂
還恐添成異日愁
紅艷影多風嫋嫋
碧空雲斷水悠悠
蒼前依舊青山色
盡日無人獨上樓

題李衛公詩二首

盧氏襟說云李德裕武宗朝爲相勢傾朝野及罪謫

人作詩云云南鄧新書以爲庭筠所作

蒿棘深春衛國門
九年於此盜乾坤
兩行密疏傾天下
一夜陰謀達至尊
肉視具僚忘七箸
氣吞同列削寒溫
當時誰是承恩者
肯有餘波達鬼村
勢欲凌雲威觸天
權輕諸夏力排山
三年驥尾有

人附一日龍髯無路攀畫閣不開梁燕去朱門
掃乳鷗還千巖萬壑應惆悵流水斜傾出武關

宿杜城亡友李羽處士故墅

柳不成絲草帶煙海槎東去鶴歸天愁腸斷處春
何限病眼開時月正圓花若有情還悵望水應無

事莫潺湲終知此恨難消遣辜負南華第二篇

紀事

云令狐綯曾以舊事訪溫庭筠對曰事出南華非
解書也或冀相公燮理之暇時宜覽古綯怒奏庭
筠有才無行卒不登第故有辜負南華第二篇之
句今按庭筠失權于綯詳見于前事略注中妄以
此詩附之真齊

東野人語也

經李徵君故居

霧濃烟重草淒淒樹映欄干柳拂堤一院落花無
客醉五更殘月有鶯啼芳筵想像情難盡故榭荒
涼路已迷惆悵羸驂往來慣每經門巷亦長嘶

重遊圭峯宗密禪師精廬

百尺青崖三尺墳微言已絕杳難聞戴顓今日稱
居士支遁他年識領軍暫對杉松如結社偶同麋
鹿自戒羣故山弟子空回首葱嶺還應見宋雲

懷真珠亭舊遊

珠箔銀鈞近綵橋昔年曾此見嬌嬈香燈悵望飛
霞綺涼月夜動碧玉簪屏倚故窗山六扇柳

砌露千條短牆經雨蒼苔遍拾得當時舊翠翹

哭王元裕

聞說蕭郎逐逝川伯牙因此絕清絃柳邊猶憶青
驄影墳上俄生碧草烟篋裏詩書疑謝後夢中風
貌似潘前他時若到相尋處碧樹紅樓自宛然

和友人悼亡

玉貌潘郎淚滿衣畫羅輕鬢雨霏微紅蘭委露愁
難盡白馬朝天望不歸寶鏡塵昏鸞影在鈿箏絃
斷鴈行稀春來多少傷心事

一作春風幾
許傷情事

碧草侵

階粉蝶飛

和友人傷歌姬

月缺花殘莫愴然，花須終發月終圓。
更能何事銷芳念，亦有濃華委逝川。
一曲艷歌留婉轉，九原春草葬嬋娟。
王孫莫學多情客，自古多情損少年。

題西平王舊賜屏風

曾向金屏玉砌來，百花鮮濕隔塵埃。
披香殿下櫻桃熟，結綺樓前芍藥開。
朱鷺已隨新鹵簿，黃鸝猶識舊池臺。
世間剛有東流水，一送恩波更不迴。

寄湘陰閻少府乞釣輪子

釣輪形與月輪同，獨繭和烟影似空。
若向三湘逢

鴈信莫辭千里寄漁翁
蓬聲夜滴松江雨菱葉秋
傳鏡水風終日垂鈎
還有意尺書多在錦鱗中

法雲雙檜

晉朝名輩此離羣
想對濃陰去任分題處尚尋王
內史畫時應是顧將軍
長廊夜靜聲疑雨古殿秋
深影似雲一下南臺到
人世曉泉清瀨更難聞

柳

楊柳千條拂面綠綠烟金穗不勝吹香隨靜婉歌
塵起影伴嬌嬈舞袖垂羌管一聲何處曲流鶯百
轉最高枝千門九陌花如雪飛過宮牆兩不知

杏花

紅花初綻雪花繁，
重疊高低滿小園。
正見盛時猶悵望，
豈堪開處已纒翻。
情爲世累詩千首，
醉是吾鄉酒一罇。
杳杳艷歌春日午，
出牆何處隔朱門。

反生桃花癸因題

病眼逢春四壁空，
夜來山雪破東風。
未知王母千年熟，
且共劉郎一笑同。
已落又開橫晚翠，
似無如有帶朝紅。
僧處蠟炬高三尺，
莫惜連宵照露叢。

自有扈至京師已後朱櫻之期

露圓霞赤數千枝，
銀籠誰家寄所思。
秦苑飛禽諳

熟早杜陵遊客恨來遲空看翠幄成陰日不見紅
珠滿樹時盡日徘徊濃影下秣應重作釣魚期

和太常杜少卿東都修行里有嘉蓮

春秋罷注直銅龍舊宅嘉蓮照水紅兩處龜巢清
露裏一時魚躍翠莖東同心表瑞荀池上半面分
粧樂鏡中應爲臨川多麗句故持重艷向西風

牡丹

水漾晴紅壓疊波曉來金粉覆庭莎裁成艷思偏
應巧分得春光最數多欲綻似含雙靨笑正繁疑
有一聲歌華堂客散簾垂地想凭欄干飲翠蛾

七言排律

秘書省有賀監知章草題詩筆力遒健風尚
高遠拂塵尋玩因有此作

越溪漁客賀知章任達憐才愛酒狂鷗鵝葦花隨
釣艇蛤蜊菰葉夢橫塘幾年涼月拘華省一宿秋
風憶故鄉榮路脫身終自得福庭回首莫相忘出
籠鸞鶴歸遼海落筆龍蛇滿壞墻李白死來無醉
客可憐神彩弔殘陽

戊籤四温庭筠之八

唐音統籤卷

五百八十二

五言絕句

地肺山春日

冉冉花明岸
涓涓水繞山
幾時拋俗事
來共白雲
閑

客愁

客愁看柳色
日日逐春深
蕩漾春風裏
誰知歷亂
心

碧淵驛曉思

香燈伴殘夢
楚國在天涯
月落子規歇
滿庭山杏

花

七言絕句

楊柳枝八首

宜春苑外最長條
閑裊春風伴舞腰
正是玉人腸斷處
一渠春水赤欄橋

南內牆東御路傍
預知春色柳絲黃
杏花未肯無情思
何事行人最斷腸

蘇小門前柳萬條
金線拂平橋
黃鸝不語東風起
深閉朱門伴細腰

金縷毵毵碧瓦溝
六宮眉黛惹春愁
曉來更帶籠

池雨半拂欄干半入樓

館娃宮外鄴城西遠映征帆近拂堤繫得王孫歸
意切不關春草綠萋萋

兩兩黃鸝色似金裊枝啼露動芳音春來幸自長
如線可惜牽纏蕩子心

御柳如絲映九重鳳凰窗柱繡芙蓉景陽樓畔千
條露一面新粧待曉鐘

織錦機邊鶯語頻停梭垂淚憶征人塞門三月猶
蕭索縱有垂楊未覺春

新添聲楊柳枝詞

雲溪友議云庭筠與裴郎中誠友善爲此詞飲筵競

唱打令有劉採春女周德華雖羅噴之歌
不及其母而楊柳之詞採春難及崔郎中
芻言寵愛之將至京洛豪門女弟子從其
學者甚衆所唱七八篇乃賀知章楊巨源
劉禹錫韓琮滕遵諸名流之咏溫裴所稱
歌曲請德華一陳音韻以爲浮艷之美德
華終不取焉二
君深有愧色

一尺深紅蒙麴塵舊物天生如此新合歡桃核終
堪恨裏許元來別有人

井底點燈深燭伊囑共郎長行莫圍碁違期玲瓏

骰子安紅豆入骨相思知不知紅豆名
相思子

璫瑟怨

水簾銀牀夢不成碧天如水夜雲輕鴈聲還向瀟

湘去十二樓中月自明

車駕西遊因而有作

宣曲長楊瑞氣凝上林狐兔待秋鷹誰將詞賦陪
雕輦寂寞相如臥茂陵

鄴杜郊居

槿籬芳榭近樵家壠麥青青一徑斜寂寞遊人寒
食後夜來風雨送梨花

長安春晚二首

曲江春半日遲遲正是王孫悵望時杏花落盡不
歸去江上東風吹柳絲

唐詩卷之八
四方無事太平年萬象鮮明禁火前九重細雨惹
春色輕染龍池楊柳煙

咸陽值雨

咸陽橋上雨如懸萬點空濛隔釣船還似洞庭春
水色晚雲將入岳陽天

春日雨

細雨濛濛入絳紗湖亭一作禮湖寒食孟珠家南朝漫
自稱流品宮體何曾爲杏花

三月十八日雪中作

芍藥薔薇語早梅不知誰是艷陽才今朝領得東

風意不復饒君雪裏開

夏中病疴作

幽鬼揚威正氣愁便辭珍簟襲狐裘西窗一夕悲
人事團扇無情不待秋

題杜邠公林亭

北夢瑣言云幽國公杜棕白
西川除淮海庭筠請韋曲林

亭留詩云云幽公
聞之遺絹于足

卓氏壚前金線柳隋家隄畔錦帆風貪爲兩地行
霖雨不見池蓮照水紅

元處士池上

蓼穗菱叢思聽跼水螢江鳥滿煙蒲愁紅一片風

前落池上秋波似五湖

薛氏池垂釣

池塘經雨更蒼蒼萬點荷珠曉氣涼
朱瑀空媮御溝水錦鱗紅尾屬嚴光

華陰韋氏林亭

自有林亭不得開陌塵宮闕是非間
終南祇在茅簷外別向人間看華山

題友人居

盡日松堂看畫圖綺疏深處似清都
若教煙水無鷗鳥張翰何由到五湖

題谷隱蘭若

見段成式絕句辨
集體以爲庭筠詩似誤

風帶巢熊拗樹聲
老僧相引入雲行
半坡新路會
纔了一谷寒煙燒不成

洛陽

鞏樹先春雪滿枝
上陽宮柳嚙黃鸝
桓譚未便忘
西笑豈爲長安有鳳池

過分水嶺

溪水無情似有情
入山三日得同行
嶺頭便是分
頭處惜別潺湲一夜聲

渭上題三首

呂公榮達子陵歸萬古烟波遶釣磯橋上一通名
利迹至今江鳥背人飛

日極雲霄思浩然風帆一片水連天輕撓便是東
歸路不肯忘機作釣船

煙水何曾息世機暫時相向亦依依所嗟白首磻
溪叟一下漁舟更不歸

四老

商於六里便成功一寸沈機萬古同但得戚姬甘
定分不應真有紫芝翁

過吳景帝陵

王氣銷來水淼茫，豈能才與命相妨。
虛開直瀆三千里，青蓋何曾到洛陽。

蔡中郎墳

古墳零落野花春，聞說中郎有後身。
今日愛才非

昔日枉拋心力作詞人

語林張衡初歿蔡邕母懷孕貌亦相類時人云邕乃

衡後身也

華清宮二首

風樹離離月稍明，九天龍氣在華清。
宮門晝

一作

鎖無人覺，半夜雲中羯鼓聲。

天闕沉沉夜未央，碧雲仙曲下霓裳。
一聲玉笛向

空盡月滿驪山宮漏長

龍尾驛婦人圖

慢笑開元有倖臣直教天子到蒙塵
今來看盡猶如此何況親逢絕世人

題端正樹

路傍佳樹碧雲愁曾侍金輿幸驛樓
草木榮枯似人事綠陰寂寞漢陵秋

觀碁

一作段成式詩

閒對楸枰傾一壺黃華坪上幾成廬
他時謁帝銅池水便賭宣城太守無

南史羊玄保善奕宋文帝與賭郡玄保勝以補宣城

太守常中使至召之其子戎曰金溝
清泚銅池搖颺旣佳風景當得劇甚

彈箏人

天寶年中事玉皇曾將新曲教寧王
鈿蟬金鴈皆零落一曲伊州淚萬行

題李相公勅賜錦屏風

豐沛曾爲社稷臣賜書名畫墨猶新
幾人同保山河誓獨自棲棲九陌塵

河中紫極宮

昔年曾伴玉真遊每到僊宮卽是秋
曼倩不歸花落盡滿叢煙露月當樓

月二九
答段柯古見啁

彩翰殊翫金繚繞一千二百逃飛鳥尾薪橋下未
爲癡暮雨朝雲世間少

簡同志

開濟猶來變盛衰五車纔得號磁基留侯功業何
容易一卷兵書作帝師

贈鄭微君家匡山首春與丞相贊皇公遊止
一拋蘭棹逐燕鴻曾向江湖識謝公每到朱門還
張望故山多在畫屏中

贈少年

江海相逢客恨多，秋風葉下洞庭波。
酒酣夜別淮陰市，月照高樓一曲歌。

贈張鍊師

丹溪藥盡變金骨，清洛月寒吹玉笙。
他日隱居無訪處，碧桃花發水縱橫。

經故翰林袁學士居

劍逐驚波玉委塵，謝安門下更何人。
西州城外花千樹，盡是羊曇醉後春。

傷溫德彝

昔年戎虜犯榆關，一破龍城疋馬還。
侯印不聞封

李廣他人丘壠似天山

宿城南亡友別墅

水流花落嘆浮生又伴遊人宿杜城
還似昔年殘夢裏透簾斜月獨聞鶯

夜看牡丹

高低深淺一欄紅把火殷勤遶露叢
希逸近來成懶病不能容易向春風

蓮花

綠塘搖灑接星津
軋軋蘭橈入白蘋
應爲洛神波上襪
至今蓮葉有香塵

瑟瑟叙

翠染水輕透露光隨雲孫祥有餘香只應七夕回
天浪添作湘妃淚兩行

寄裴生乞釣鉤

一隨菱棹謁王侯深愧移文負釣舟今日太湖風
色好却將詩句乞魚鉤

俳借體

雨中與李先生期垂釣先後相失因作疊韻
隔岸覓屐跡西溪迷鷓啼小鳥擾曉沼犁泥如低

畦

題賀知章故居作樂韻

鑿劬翳薜荔林湖無菰蒲老媪寶葦草愚儒輪逋
租

句

春水碧于天畫船聽雨眠

優古堂詩話

吳國初成陸

王家欲解圍拂巾雙雉叫飄瓦兩鴛飛

襄陽先風亭夜宴有

波勢殿賦

綠樹遺村合細雨寒潮背郭捲平沙

送人詩

戊籤五

唐音統籤卷

五百八十三

許渾字用晦

一作仲晦

丹陽人

紀事云睦州人誤也渾故相團師之後團師安

陸人後裔家丹陽渾集有下第歸朱方南海府罷歸京口及京口閑居等詩又杜牧贈渾詩云東吳

美退居此 太和六年進士第為當塗太平二縣令

以病免起潤州司馬大中三年為監察御史歷虞

部員外郎睦郢二州刺史有丁卯集二卷

宋志十卷

今編為九卷

京口志晉時嘗以丁卯日立堞因以名橋渾與擊在焉集以為名又昆公

武讀書志渾分司朱方遠在丁卯歲是其取義所兼也本集篇目五百餘後人或削入杜牧集中或

取趙嘏詩益之本多淆謬今據大德中信安祝得甫本復加蓋正益以別見者二十餘篇合得四百

五十五篇云 孫光憲曰世謂許渾詩李遠賦不如不做言其無才蓋鄙其無教化也 方回曰渾

唐音統籤

卷五

戊

詩工有餘而味不足如人形有餘而韻不足詩豈專在對偶聲病而已又曰渾詩似才得一句便掣提一句爲聯者所以無自然真味楊用修曰詩渾詩淺陋而俗喜傳之不廢陳後山云近世無高學舉俗愛許渾斯卓識矣劉後村云杜牧許渾同時然各爲體牧於律中常寓少拗峭以矯時弊渾詩闊穩律切麗密或過杜牧而抑揚頓挫不及也趙嘏雖與渾同調然較渾稍疑重云徐獻忠曰渾詩雖未登于珪璋之列而烟雲風鳥之思探弄亦已盡態

五言律詩一

寓懷

南國浣紗伴盈盈天下妹盤金明繡帶動一作風珮

響羅襦素手怨瑤瑟清心悲玉壺春華坐銷落未

忍泣靡蕪

一作爭忍
嫁狂夫

晨起二首

桂樹綠層層，風微煙露凝。
簷櫺銜落月，幃幌映殘燈。
蘄簟曙香冷，越瓶秋水澄。
心閑卽無事，何異住山僧。

殘月皓烟露，掩門深竹齋。
水蟲鳴曲檻，山鳥下空階。
清鏡曉看髮，素琴秋寄懷。
因知北窓客，一作日

與世情乖。此首英華作山齋秋曉題

春醉

酒釀花一樹，何暇卓文君。
客坐長先飲，公閑半已醺。
水鄉春足雨，山郭夜多雲。
何以參禪理，榮枯盡

不聞

春望思舊游

何處極春日南臺披薜蘿花光晴漾漾山色畫峨峨
湘水美人遠信陵豪客多唯憑一瓢酒彈瑟縱
高歌

閑居孟夏卽事

綠樹蔭青苔柴門臨

一作向

水開簟涼初熟麥枕膩

乍經梅魚躍海風起墨鳴江雨來佳入竟何處

一作

佳期今
已晚日夕上樓臺

早秋三首

遙夜泛清瑟西風生翠蘿殘螢委

一作

玉露早鴈

拂金河高樹曉還密遠山晴更多淮南一葉下自覺老煙波

一葉下前墀淮南人已悲蹉跎青漢望迢遞白雲期老信相如渴貧憂曼倩飢生公與園吏何處是吾師

蘄北馮猶遠淮南人已悲殘桃間墮并新菊亦侵籬書劍豈相誤琴樽聊自持西齋風雨夜更有詠貧詩

西園

西園春已

一作

盡芳草徑難分靜語唯幽鳥閑眠

獨使君密林生雨氣古石帶潮文雖去清秋遠朝朝見白雲

南亭偶題

城下水縈迴潮衝野艇來鳥驚山果落龜泛綠萍
開白首書千卷朱顏酒一杯南軒自流涕不是望
燕臺

溪亭二首

溪亭四面山橫柳半溪灣蟬響塘蝦急魚深翡翠
閑水寒留客醉月上與僧還猶戀蕭蕭竹西齋未

掩關

暖枕眠溪柳僧齋昨夜期
茶香秋夢後松韻晚吟
時共戲魚翻藻爭棲鳥
墜枝重陽應一醉栽菊助
東籬

泛溪

疑與武陵通青谿碧嶂中
水寒深見石松晚靜聞
風遞跡驅雞吏冥心失馬翁
纔應畢婚嫁還一作從
此息微躬

夜歸丁卯橋村舍

月涼風靜夜歸客泊巖前
橋響犬遙吠庭空人散

唐音統籤

卷五百八十三

四

戊

眠紫蒲低水檻紅葉半江船自有還家計南湖二
頃田

南樓春望

南樓春一望雲水共昏昏野店歸山路危橋帶郭
村晴烟和草色夜雨長溪痕下岸誰家住殘陽半
掩門

長興里夏日南鄰避暑

侯家大道傍蟬噪樹蒼蒼開鑿洞門遠下簾簾

一作

高館涼欄圍紅葉盛架引綠蘿長永日一畝枕故

山雲水鄉

秋晚登城

城高不可下，永日一登臨。
曲檻涼颺急，空樓返照深。
葦花迷夕棹，梧葉散秋砧。
謾作歸田賦，蹉跎歲欲陰。

病中二首

三年嬰酒渴，高臥似袁安。
秋色鬢應改，夜涼心已寬。
風衣藤簟滑，露井竹床寒。
臥憶郊扉月，恩深未掛冠。

私歸人暫適，扶杖遶西林。
風急柳溪響，露寒莎徑深。
一身仍白髮，萬慮只丹心。
此意無言處，高窓託

素琴

游維山新興寺宿石屏村謝叟家

晚過石屏村村長日漸曛僧歸下嶺見人語隔溪
聞谷響寒耕雪山明夜燒雲家家扣銅鼓欲賽魯

將軍

村有魯
蕭廟

游果畫二僧院

何必老林泉冥心便是禪講時開院去齋後下簾
眠鏡朗燈分燭香銷印絕煙真乘不可到雲盡月
明天

洛東蘭若夜歸

一衲老禪床，吾生半異鄉。
管絃愁裏醉，書劍夢中忙。
鳥急山初暝，蟬稀樹正涼。
又歸何處去，塵路月蒼蒼。

宿東橫山

山在大台縣東十里詩見方輿勝覽及天台志

孤舟路漸賒，時見碧桃花。
溪雨灘聲急，巖風樹勢斜。
獼猴垂弱蔓，鸛鶴宿橫槎。
漫向仙林宿，無人宿阮家。

宿開元寺西樓聞歌感賦

誰家歌裏裏，孤枕在西樓。
竹色寒清簟，松香染翠幃。
月移珠殿曉，風遞玉箏秋。
日出應移棹，三湘萬

里愁

將歸塗口宿鬱林寺道玄上人院二首

西巖一磬長僧起樹蒼蒼開殿洒寒水誦經焚晚
香竹風雲漸散杉露月猶光無復重來此歸舟凌
夕陽

春尋採藥翁歸路宿禪宮雲起客眠處月殘僧定
中藤花深洞水榭葉滿山風清境不能住朝朝慙
遠公

重遊鬱林寺道玄上人院

藤杖叩松關春溪斲藥還雨晴巢燕急波暖浴鷗

閑倚檻花臨水回舟月照山憶歸師莫笑書劍在
人間

天街曉望

明星低未央蓮闕迥蒼蒼疊鼓催殘月踈鐘迎早
霜關防浮瑞氣宮館耀神光再拜爲君壽南山高
且長

洛中遊眺貽同志

康衢一望通河洛正天中樓勢排高鳳橋形架

一作

并斷虹遠山晴帶雪寒水晚多風幾日還携手鳥

鳴花滿宮

洛中秋日

故國無歸處官閑憶遠遊吳僧秣陵寺楚客洞庭
舟久病先知雨長貧早覺秋壯心能幾許伊水更
東流

長安旅夜

久客怨長夜西風吹鴈聲雲移河漢

一作色

淺月泛

露華清掩瑟獨凝思緩歌空寄情門前有歸路迢
遞洛陽城

旅懷

征車何軋軋南北極天涯孤枕易爲客遠書難到

家鄉連雲外樹城閉月中花猶有扁舟思前年別
若耶

思歸

疊嶂平蕪外依依識舊邦氣高詩易怨愁極酒難
降樹暗支公院山寒謝守窓殷勤樓下水幾日到
荆江

憶長洲

香徑小船通菱歌遠故宮魚沉秋水靜鳥宿暮山
空荷葉橋邊雨蘆花海上風歸心無處託高枕盡
屏中

與裴秀才自越西歸阻凍登虎丘山寺

春草越吳間，心期旦夕還。
酒鄉逢客病，詩境遇僧閑。
倚棹水生浦，登樓雪滿山。
東風不可待，歸鬢坐

一作
斑斑

晨裝

一作早發洛
中次甘泉

帶月飯行侶，西游關塞長。
晨雞鳴遠戍，宿雁起寒塘。
雲卷四山雪，風凝千樹霜。
誰家游俠子，沉醉臥

蘭堂

一作誰家歌舞散
一作蘭堂一國首
隱見嵩陽

早行
事文類聚

失梳驚先起，人家半夢中。
聞雞憑早晏，占斗認西

東轡濕知行露衣單覺曉風秋陽弄光影忽吐半
林紅

早發壽安次永濟渡

東西車馬塵鞞洛與咸秦山月夜行客水煙朝渡
人樹涼風皓皓灘淺石磷磷會待功名就扁舟寄
此身

發靈溪館

山多水不窮一葉似漁翁鳥浴寒潭雨猿吟暮嶺
風雜英垂錦繡衆籟合絲桐應有曹一作溪路干

巖萬壑中

廣陵道中

城勢已坡陀城邊東逝波綠桑非苑樹青草是宮
莎山暝牛羊少水寒鳧鴈多因高一回首還詠黍
離歌

春泊弋陽

江行春欲半孤枕弋陽堤雲暗猶飄雪潮寒未應
溪飲猿聞棹散飛鳥背船低此路成幽絕家山鞏
洛西

泊松江渡

一作南游
泊松江驛

漢漢故宮地月涼風露幽

一作雲
木幽

雞鳴荒戍曉鴈

過古城秋楊柳北歸路蒹葭南渡舟去鄉今已遠
更上望京樓

晚泊七里灘

天晚日沉沉歸舟繫柳陰江村平見寺山郭遠聞
砧樹密猿聲響波澄鴈影深榮華暫時事誰識子
陵心

下第寓居崇聖寺感事

懷玉泣京華舊山歸路賒靜依禪客院幽學野人
家林晚鳥爭樹園春蝶護花東門有閑地誰種邵
平瓜

秋日赴闕題潼關驛樓

胡元瑞云此詩尚有全盛風流

紅葉晚蕭蕭長亭酒一瓢殘雲歸太華踈雨過中

條樹色隨關

一作山

迴河聲入海

一作塞

遙帝鄉明日

到猶自夢漁樵

別本作行次潼關逢魏扶東歸首句云南北斷蓬飄下五句並同結

云勞歌此分首風急馬蕭蕭

秋霽潼關驛亭

三四與前首同

霽色明高嶽關河獨望遙殘雲歸太華踈雨過中
條鳥散綠蘿靜蟬鳴紅樹凋何言此時節去去任
蓬飄

行次潼關題驛後軒

飛閣極層臺終童

宋本作終南誤

此路回山形朝闕

一作岳

去河勢抱關來馬過秋風急蟬鳴宿霧開平生無限意驅馬任塵埃

九日登樟亭驛樓

鱸膾與蓴羹西風片

一作掛

席輕潮回孤島晚

一作遠

雲歛衆山晴丹羽下高閣黃花垂古城因秋倍多感鄉樹接咸京